

წარმოდგენილი მუნიციპალიტეტის საკრებულოს თავმჯდომარის მალხაზ ფარტენაძის სახით, ვდებთ წინამდებარე ხელშეკრულებას შემდეგზე:

1. ხელშეკრულების მიზანი

თვითმმართველი ქალაქის - ბათუმის და ხელვაჩაურის მუნიციპალიტეტის ადმინისტრაციულ საზღვრებში არსებულ ტერიტორიაზე მცხოვრები სოციალურად დაუცველი ფენის უფასო კვებით უზრუნველყოფის მიზნით თვითმმართველი ქალაქი - ბათუმისა და ხელვაჩაურის მუნიციპალიტეტის მიერ ერთობლივი შესყიდვის განხორციელება.

2. მხარეთა ვალდებულებები

1. სოციალურად დაუცველი ფენის უფასო კვებით უზრუნველყოფის მიზნით ერთობლივი შესყიდვის განხორციელებისას ქალაქ ბათუმის მერია უფლებამოსილია გამოაცხადოს ტენდერი ხელვაჩაურის მუნიციპალიტეტის სახელით და შესყიდვის განხორციელებისას გაითვალისწინოს ხელვაჩაურის მუნიციპალიტეტის ადმინისტრაციულ საზღვრებში მცხოვრები სოციალურად დაუცველი პირები, რომელთა შესახებ ინფორმაციას ქ. ბათუმის მერიას აწვდის ხელვაჩაურის მუნიციპალიტეტის გამგეობა.

2. ერთობლივი შესყიდვისთვის აუცილებელი სატენდერო განცხადება და დოკუმენტაცია ჩამოყალიბდეს ხელშეკრულების დანართის შესაბამისად რომელიც წარმოადგენს წინამდებარე ხელშეკრულების განუყოფელ ნაწილს;

3. შესყიდვის ობიექტის მიწოდების წესი და მიმწოდებელთან ანგარიშსწორების პირობები განისაზღვროს სატენდერო დოკუმენტაციის შესაბამისად;

4. ხელვაჩაურის მუნიციპალიტეტის გამგეობა იღებს ვალდებულებას, გააფორმოს ქ. ბათუმის მერიის მიერ გამოცხადებულ ტენდერში გამარჯვებულ კომპანიასთან შესაბამისი ხელშეკრულება ხელვაჩაურის მუნიციპალიტეტის ადმინისტრაციულ საზღვრებში არსებულ ტერიტორიაზე მცხოვრებ სოციალურად დაუცველი პირთა უფასო კვების უზრუნველყოფის მიზნით და შემდგომში უზრუნველყოფის შესაბამისი დაფინანსება.

3. ხელშეკრულების ძალაში შესვლა და სხვა საკითხები

1. ხელშეკრულება ძალაში შედის მხარეთა მიერ მისი ხელმოწერისთანავე;

2. ხელშეკრულება შედგენილია ორ თანაბარმნიშვნელოვან ეგზემპლარად, თითოეული ეგზემპლარი გადაეცემათ მხარეებს;

3. წინამდებარე ხელშეკრულება არ ვრცელდება სოციალურად დაუცველი ფენის უფასო კვებით უზრუნველყოფის თაობაზე თვითმმართველ ქ. ბათუმის მერიის მიერ წინამდებარე ხელშეკრულების ძალაში შესვლამდე გაფორმებული ხელშეკრულებით რეგულირებულ ურთიერთობებზე;

4. წინამდებარე ხელშეკრულება დადებულია 2013 წლის 20 ნოემბერს და ძალაშია 2014 წლის 31 დეკემბრის ჩათვლით. ამასთან, მხარეთა შორის წერილობით გაფო-